

mentis mox edendis præmittere volui Demonstrationes principaliore phyficas, curiosis experimentis illustratas. Diu hæsitavi, utrum luci quædam exponere vellem ex Phyfica experimentalis propter summam invidiam & communissimum eruditorum morbum, philautiam, qui nil nisi quod ipsorum speculationibus & moribus congruit, rectum putant. Facile etiam prævideo fore qui jactantiæ me infimulabunt, quasi superbire tanto experimentorum numero velim; qua in re autem provoco ad illos, qui ingenium meum norunt, quod ab omni ambitione alienissimum est, cum semper assvetus sim me meosque ingenii foetus parvi ducere ac negligere, aliena contra suspicere & æstimare. Sique tali morbo laborarem, potuissem facilius solidiores multumque curiositatis spirantes, neque vulgares aut aliis notas, & a me, ut puto, primum notatas quasdam observationes seorsim colligere & majore stylo illas publico commendare, meamq; in inveniendò laudem per obliquum adstruere: sed vana me nunquam vexat vel vexabit gloria. Impulit autem me ad præsentia edenda potissimum mei officii ratio, dum munere docendi Philosophiam naturalem fungor, ut, quid apud nos hic agatur, & quid adhuc docuerim, periti & prudentes rerum æstimatores possint perspicere.

Deni-